

古田縣志卷之三十一

忠義傳

忠義者天地之正氣當其毅然赴國家之難不惜殺身以成仁固足光國史而流芳千古矣而閭里之士卒伍之微無守土專閫之責禦寇亂而爲桑梓効命執干戈而爲國死綏者如童汪錡之流亦當附諸國殤之列吾古志書創於明季明以前先烈雖有聞者蓋亦寡耳自明迄今抗勵死節者代不乏人其忠肝義膽燦若星辰峙若山嶽百世後猶令人肅然起敬而世之覲顏事仇甘心從賊者當知自愧矣纂忠義傳

元

古田縣志

卷之卅一

忠義傳

蘇本字必大太學上舍官教諭從張少傅趙制置督戰蕉山歿於王事卹典贈從政郎

明

林英字章叔號劍溪居縣城一保雲津坊洪武二十九年以貢授山東道監察御史忠清公直屢建讜言如論創業之初則以順民爲先論安民之術則以郡縣爲本論弭盜欲其信賞必罰以大仁民之規論封建郊祀欲其任賢酌古以重悠久之計借馬喻政而撫綏之方同於飼秣通渠決壅而水泉之利便於三州凡所奏對多稱旨召見奉天殿賜廐馬楮幣建文初請抑宗藩時李景隆用事朝野震懼莫敢言英奏劾之遂下都察院拷訊

謫知瑞安縣時民多逋亡在邑者苦稅差英下車立丈量法所
餘虛糧令墾荒補之立鄉約行朱文公家禮建齋舍親與講學
靖難師起召英與翰林修撰王叔英募兵廣德比至見勢不可
爲乃歎曰臣生無補於時死有負於國天命將移力難以挽再
拜自經死年三十有四永樂初收死難諸臣家屬英妻宋氏繫
獄亦自經死世稱雙節王備銘其墓崇禎間賜諡毅節祀鄉賢
林主信字存忠諸生甲申之變聞莊烈帝死社稷北嚮痛哭誓一
死或止之曰公鄉僻一書生耳何自苦乃爾主信叱之曰吾君
始終憂勤爲諸臣專營門戶遂至土崩不可撐今君死國亡吾
敢惜餘生負國家三百年養士之德乎遂不食死長子常發年

古田縣志

卷之卅一

忠義傳

二

十五號慟兩晝夜亦自經死忠死孝何其偉耶越三十年其次
子常登丁耿變復能執義抗僞命濱死不渝斯誠以忠義世其
家者歟

樵夫失其姓名崇禎甲申之變負薪至文廟前聞都城陷慟哭觸
牆死蓋於東湖後有光云

林喬升字三衢諸生父國相爲雲南布政司理問喬升隨任襄可
以勤敏稱旋應山西鹽法道某聘爲幕客因世事日非以親老
辭歸買山於五都豔林岡課子孫修族譜里中糾紛事多就解
焉甲申聞莊烈帝殉社稷憂憤痛哭時年已七十六矣家人苦
勸之喬升曰我旣理大明之政卽爲大明之臣非不知死如鴻

毛無益於國不過聊盡吾心得爲大明草莽之臣足矣呼天慟哭不食七日死聞者哀之

清

蘇龍以軍功積功累官至湖南衡州副將時逆藩吳三桂以雲南叛龍尅期進剿奮不顧身陷陣死事聞予卹蔭

包文禮字約生後隸屏南籍康熙十三年寇來攻寨文禮乞師於劉將弗允負牆而哭不肯去劉感其誠遂出軍解其圍後耿藩之弟鎮延津聞之屢召不起遣兵執之又不得然終不忍殺憐其才也繫獄三年清師至始釋歸於龍昇峯築室獨居顏曰退藏軒先是寇來攻時同里包國善禦之國善字世昌昆季三人

古田縣志

卷之卅一

忠義傳

三

俱有力國善尤最遇敵所向披靡年八十卒

黃召棠字作程號勿齊道光癸卯科舉人咸豐癸丑大挑一等以知縣籤分陝西歷任西鄉清澗中部知縣時獾匪寇中部召棠發兵禦之以衆寡不敵力竭死焉事聞加四品銜賜祭葬入祀

昭忠祠予雲騎尉世襲

陳文銓字衡夫歲貢生宗城子少有奇氣嘗言大丈夫不能立功萬里外徒役役於毛錐負此生矣遂棄帖括習騎射道光癸巳科中式武舉第八名隨營効力數立奇功以陸路提標協護理參將咸豐三年秋逆匪林俊犯興化文銓毅然請行時參將周兆麟知文銓曾剿平安海等處匪黨所向有功委帶前鋒馳往

興化援剿九月十三日進紮仙遊之楓亭而匪已由興化分股潛伏要截官軍文銓於十三十四兩日進擊匪突起環撲文銓率前鋒衝擊匪大潰追逐十數里斬獲甚衆兆麟大喜親至犒軍十五日黎明匪復四面圍攻文銓分兵迎敵前鋒氣尙銳而後路突有匪股詐稱惠安練勇來援至營以大罐亂擲焚軍械殆盡文銓聞報突圍赴援中砲傷重猶手刃數匪圍益密援絕力竭死之時王制軍駐節泉州以文銓死難忠烈專摺奏請優卹得旨賜祭葬賞藩庫銀兩治喪入祀昭忠祠予雲騎尉世職罔替

魏鍾杰道光丁酉科武舉人授延平千總咸豐間髮逆擾延平鍾

古田縣志

卷之卅一

忠義傳

四

杰帶兵往擊歿於陣事聞賞雲騎尉世襲子昌浴咸豐壬子科武舉人從征髮逆陣亡予雲騎尉世襲立匾於福州府學明倫堂曰父子忠烈以旌之

吳經魁咸豐間以千總從征髮逆歿於陣賞雲騎尉世襲

陳修從九品授浦城巡檢咸豐八年髮逆陷浦城修入城協守力戰歿於陣事聞予雲騎尉世襲

陳俊以雲騎尉世襲候選中軍府授閩安水師守備光緒甲申年法夷擾馬江俊守塢口與戰歿於陣賜雲騎尉世襲

林紹基字根東大東鄉人國學生精醫理有鄉望時匪氛熾遭擄禁者率乞憐求免紹基晚亦被擄禁雖較他人無虐待但紹基

以匪肆害閭里爲可恨陳利害冀使改行匪不悟紹基罵賊不絕口卒遇害

民國

陳立庠二區橫洋鄉人少有大志入海軍製造飛機專科學校畢業後充海軍江南造船所製造飛機處少校工務員民國二十六年蘆溝橋事變發生飛機製造處改隸航空會第八修理工廠遷設湖北宜昌縣立庠升充木工股股長益加勤奮二十七年一月二十四日敵机空襲宜昌在工場工作被炸重傷醫治罔效因公殉職經 軍事委員會核准給卹

李盛祺一區長宦鄉人充陸軍第一九四師獨立第三七旅第七

古田縣志

卷之卅一

忠義傳

五

一零團後改編爲一一二六團第三營七連少尉排長民國二十六年九月間參加淞滬抗敵戰役在寶山泗塘橋地方陣亡經該師師長以該員忠勇爲國捐軀呈奉 軍事委員會核准給卹

謝長壽東門外人充陸軍第六十師一八零旅三六零團三營七連少尉排長民國二十七年九月二十七日在江西德安抗敵戰役陣亡經 軍事委員會核准給卹

本邑壯丁徵赴前方抗敵陣亡士兵姓名列左

民國二十六年秋至二十九年夏

下士班長李紹男

一區三六保富源村人

二等列兵周道連

一區一保村人

下士看護卓思太

三區五九保人

林地妹

一區五二保利洋村人

一等馭手周道庚

一區三四保沙洲村人

卓一妹

三區二九保秀峯村人

一等列兵江錦田

城區步蟾保人

宋炳清

城區一九保人

周嫩妹

一區四七保人

一等列兵周獅奴

一區四九保人

張得勝

二等列兵楊金生

二區二五保人

二等列兵丁福生

城區河西保人

丁德才

城區鳴玉保人

周吾佛

城區大街人

余業祥

三區古樓村人

陳新年

城區西門街人

楊宇洲

三區鶴塘村人

古田縣志

卷之卅一

忠義傳

六

葉順生

城區人

黃乾誦

三區卓洋村人

林樹生

城區人

陳遂拱

三區下井邊人

周玉明

城區人

程良準

三區田地村人

劉國清

城區人

林榮桐

三區田地村人

余廣

城區人

黃克秀

三區人

二等列兵吳生福

四區一七保人

二等列兵魏茂宜

四區三七保人

吳永福

四區村裏洋人

吳廣西

四區三都口底源村人

游遠行

四區黃田鎮人

葉寶芳

吳奇良

四區谷口鎮人

魏學珠

李茂廷

四區谷口鎮人

余深杏

城區人

黃乞招 四區下雙坑村人

魏阿同 四區下雙坑村人

古田縣志

卷之卅一

忠義傳

七